



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bernardini Scardaeonii Patauini Presbyteri de Castitate Libri Septem

Scardeone, Bernardino

Venetiis, 1542

De meditanda Christi passione cap. liii

urn:nbn:de:hbz:466:1-30433

Hierusalem fruamur perenniter summo illo, & in existimabili bono: quod nec oculus uidit, nec auris audiuit, nec in cor hominis ascendit.

1. Cor. 2.

De meditando Christi passione. Cap. LIII.

ERit præterea nobis aduersus libidinem, nouissimum ferè ordine, sed re ipsa certe primum, atque præcipuum remedium, assidua meditatio passionis Christi: & frequens humilisq; recursus ad salutiferum, & triumphale dominicæ crucis uexillum: nõ tam ut crucis imaginem effingamus, pluries nobis frontem, os, pedus, corpusq; signantes (quod nequaquam improbamus) quam ut assidua cogitatione, & memoria passionis domini, figuram quodammodo eius, ac formam Crucifixi Iesu animæ nostræ ea impressione figamus, quæ nullis possiturbationibus amplius aboleri: & ut assidue eius sacrosancta mysteria taciti nobiscum toto corde meditemur: ac supplicia flebiliter recolamus: quæ in ea passus est pius, & innocentissimus Iesus: ut nece sua acerbissima, nos à damnatione mortis eriperet, ac redimeret à seruitute peccati. Tali namq; meditatione probe ducimur ad diuinum amorem: & uagos, & immoderatos affectus nostros configimus eidem cruci cum Christo, sicut & Paulus, qui dicit. Mihi mundus crucifixus est, & ego mundo. Quis est enim tam præcipiti, atq; æstuantis libidinis furore correptus, aut tã fœdo amoris ardore succensus, qui rememorans pie secum acerbissima Christi uulnera, non tepescat: & in eo præcioso sanguine nõ speret sordes peccatorum suorum posse lauari. Ecquis nam quæso nostrum grauaretur tantula uoluptate priuari, si amabiliter, & ex corde cogitaret, quomodo ipse innocentissimus dominus tot tantosq; cruciatus pro salute nostra non recusauerit ferre? atque secum itidem uoluerit quomodo ultro sese pro nobis immanissimo obtulerit

Gal. 6.

DE RATIONE COERCEN. LIBID.

impia necis supplicio: Vnde D. Augustinus. Si passio in
quit saluatoris ad memoriam reducatur, nihil tam duru
est, quod non æquo animo toleretur. Itaq; dum titillat
desiderium uoluptatis, & urgent libidinosæ rei stimuli, e
regione succurrat tuus tibi Iesus, pro te captus, derisus,
flagris uerberatus, spinis confossus clauis uulneratus, &
deniq; crudeliter crucifixus, & mortuus. Hunc eia nos
de cruce tollamus, & cordi affigamus nostro: hunc ore
sinu, hunc manibus, oculis, hunc deniq; mente iugiter te
neamus: & id quod aperuit nobis Longinus latus, inter
tionum, & ab omni incursu tenta
tionum, & ab omni impugnatione libidinis securi dege
re ualeamus. Ecce extendit in morte brachia, ut nos am
plectatur: caput inclinat, ut nos osculetur: clamat de cruce,
ut ad miserendum nos flectat: confixos tenet pedes, ut
ad ueniam exposcendam, & pœnitentiam agendam nos
expectat. O magna, & inæstimabilis benignitas saluato
ris nostri Dei: q; p nuncios, p signa, p literas. per seipsum
tâ dulciter nos inuitat. Cur ergo inuitati tâ amanter, &
expectati tam costanter negligimus, & procrastinamus?
Quid alias delicias amamus? Quid causas nequimus?
Quid differimus? quid cessamus trepidi confugere, ad
amplexus, & intra brachia inuitantis amicus, fratris, do
mini, & seruatoris nostri Dei ut ibi tuti & salui perpetuo
maneamus. Audi quid nobis inclamat de cruce pius do
minus. Venite, inquit, ad me omnes, qui laboratis, & one
rati estis, & ego reficiam uos. Id est, uenite qui hæcenus
a me abfuitis, deliciis, & uanitatibus obligati: quiq; tan
topere laborastis in acquirendis opibus, in addiscendis
sæcularibus scientiis, in perficiendis turpibus desyderiis:
sensibus, & cupiditatibus, ac libidinibus turpiter seruien
tes. Et ego reficiam uos torrente uoluptatis meæ: de
di enim uobis dolens requiem laborum, & refrigerium
dolorum: & in cruce moriens acquisiui uobis uitam
sempiternam. Hac profecto meditatione quicumque

Matt. 11

non mouetur non proficit, saxeus plane est, ac ferreus,
 & totius prorsus humanitatis immunis, & expers. At
 qui secum diuina suffultus gratia tallia, frequenter, pie, &
 fideliter meditabitur, discet is abnegare planè semetip-
 sum & reiectis turpibus desyderiis crucem portare post
 Iesum, & ad illius pedes lachrymas spargere, ut unà cū
 Magdalena possit, & ipse suis peccatis ueniam impetra-
 re. Quicumque enim dulcissimo Iesu Christi amore
 flagrat impuro mulieris amore minime capiatur. Eo
 quid nā prodesse potest cuiquam castitas nisi, uel quo
 ta parte in amore respondeat, ei qui nos tantopere dile-
 xit, ut quum posset non mori, seipsum ultro obtulerit ne
 ei pro nobis? Superare quidem ardorem libidinis possunt
 sunt plerunque & mali: dum aut metu, aut pudore,
 aut alicuius incommodi gratia sese continent: at uero
 nihil in ea re tam curare, quam Christi honorem: & pro-
 eius tantum amore se continere a uoluptatibus, id so-
 lum est eorum, qui boni sunt, & qui Christum omni af-
 fectu, & intima dilectione sequuntur: & toto corde, &
 omnibus uiribus Deum amant, rite fideliterque con-
 lentes.

Nunquam fidendum esse in certamine casti-
 tatis & omnem occasionem libidinis
 tollendam. Cap. LIIII.

ID tandem (ne curiosus interim de singulis pertra-
 ctemus) in uniuersum moneam: ut nulla prorsus
 cauendi dimittatur occasio: & ut omnis tollatur
 opportunitas peccandi, etiam si minima esse uidea-
 tur. Nihil, n. tuto in hoste despicitur: quoniam fieri cōsue-
 uit, ut euadat ille, contemptu, & negligentia nostra supe-
 rior: Martem propterea semper incertū, & dubiū euen-
 tum belli uulgo dicimus: nam constat iam spoliantem
 & exultantē uictorē sapius euertere, percelliq; ab abiecto,